

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ODLUKA**

**O IZVJEŠTAJU O RADU NADZORNOG ODBORA FEDERALNOG ZAVODA ZA  
PENZIJSKO I INVALIDSKO OSIGURANJE ZA 2014. GODINU,  
BROJ: NOFZ-05-3-6-1/15**

**Sarajevo, juni 2016. godine**

Na osnovu člana 152. stav 2. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), člana 143. stav 2. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09) i člana 9. stav 1. tačka c) Zakona o organizaciji penzijskog i invalidskog osiguranja Federacije Bosne i Hercegovine („Službene novine Federacije BiH“, br. 49/00, 32/01 i 18/05), Parlament Federacije Bosne i Hercegovine je, na \_\_ sjednici Predstavničkog doma od \_\_\_\_\_ 2016. godine i na \_\_ sjednici Doma naroda od \_\_\_\_\_ 2016. godine, donio

## ODLUKU

### I

Ne prihvata se Izvještaj o radu Nadzornog odbora Federalnog zavoda za penzijsko i invalidsko osiguranje za 2014. godinu, broj: NOFZ-05-3-6-1/15.

### II

Sastavni dio ove Odluke čini Izvještaj o radu Nadzornog odbora Federalnog zavoda za penzijsko i invalidsko osiguranje za 2014. godinu, broj: NOFZ-05-3-6-1/15.

### III

Ova Odluka stupa na snagu narednog dana od dana objavljivanja u „Službenim novinama Federacije BiH“.

Broj:

Sarajevo, \_\_\_\_\_2016. godine

Predsjedavajuća  
Doma naroda  
Parlamenta Federacije BiH  
**Lidija Bradara**, s. r.

Predsjedavajući  
Predstavničkog doma  
Parlamenta Federacije BiH  
**Edin Mušić**, s. r.

## OBRAZLOŽENJE

### I - PRAVNI OSNOV

Pravni osnov za donošenje ove Odluke sadržan je u odredbama člana 9. stav 1. tačka c) Zakon o organizaciji penzijskog i invalidskog osiguranja kojima je, između ostalog, propisano da Nadzorni odbor izvještava Parlament Federacije Bosne i Hercegovine o rezultatima nadzora.

### II - RAZLOZI ZA DONOŠENJE

Nadzorni odbor Federalnog zavoda za penzijsko i invalidsko osiguranje je Federalnom ministarstvu rada i socijalne politike, u skladu sa članom 9. stav 1. tačka c) Zakona o organizaciji penzijskog i invalidskog osiguranja, dostavio Izvještaj o radu Nadzornog odbora Federalnog zavoda za penzijsko i invalidsko osiguranje za 2014. godinu, broj: NOFZ-05-3-6-1/15, radi razmatranja na sjednici Vlade Federacije BiH, te upućivanja Parlamentu Federacije BiH.

S tim u vezi, ovo Ministarstvo smatra da rad odnosno Izvještaj o radu Nadzornog odbora Federalnog zavoda za 2014. godinu, generalno ne može biti prihvaćen, jer je evidentno da u ovom izvještajnom periodu nisu blagovremeno obavljani poslovi iz okvira nadležnosti, odnosno nisu poduzimane aktivnosti nadzora.

Formalno, sam izvještaj se najvećim dijelom sastoji od pregleda općepoznatih podataka, ali bez navođenja značajnijih poduzetih aktivnosti, koje su trebale rezultirati boljim i zakonitim poslovanjem Federalnog zavoda.

**Naime, u Izvještaju se navodi da je Nadzorni odbor u 2014. godini održao svega 3 (tri) sjednice, donio jednu odluku i osamnaest zaključaka, ali nigdje se ne navodi na šta se odnose navedeni akti, niti se iznosi stepen realizacije, odnosno rezultati navedenih akata.**

Također, Nadzorni odbor je propustio da obrazloži kako je došlo do stvaranja negativnog finansijskog rezultata u poslovanju Zavoda. Naime, u Izvještaju se, između ostalog, samo konstatuje da je završetkom 2014. godine, višak rashoda nad prihodima iznosio cca 43 miliona KM, dok je akumulirani višak rashoda nad prihodima zajedno sa neraspoređenim viškom rashoda iz prethodnih godina iznosio cca 106 miliona KM. Nadzorni odbor ne navodi mjere i aktivnosti koje je poduzeo iz okvira svoje nadležnosti, a koje bi rezultirale smanjenjem navedenog deficita, odnosno koje bi vodile finansijskoj stabilnosti Zavoda.

Bitno je također napomenuti da je Federalno ministarstvo rada i socijalne politike ukazivalo na niz problema u radu Federalnog zavoda, koji se prije svega odnose na kršenje Zakona o penzijskom i invalidskom osiguranju i Zakona o organizaciji penzijskog i invalidskog osiguranja, a posebno neodržavanje fiskalnog balansa i stvaranje milionskih obaveza, ali je Nadzorni odbor propustio da poduzme bio kakve aktivnosti.

Također, i u Izvještaju je vidljivo da i Nadzorni odbor konstatuje da je uočio mnoge probleme sa kojima se susreće Federalni zavod, prije svega nedostatak finansijskih sredstava za isplatu penzija, ali da o tako značajnom pitanju Nadzorni odbor nije predložio niti je poduzeo bilo kakve aktivnosti, koje bi eventualno riješile navedeni problem, a što smatramo nedopustivim.

Zbog navedenog, Vlada Federacije Bosne i Hercegovine na 58. sjednici održanoj 16.6.2016. godine, utvrdila je Prijedlog odluke kojom se ne prihvata Izvještaj o radu Nadzornog odbora Federalnog zavoda za penzijsko i invalidsko osiguranje za 2014. godinu, broj: NOFZ-05-3-6-1/15.

### **III - FINANSIJSKA SREDSTVA**

Za provođenje predmetne Odluke nisu potrebna sredstva u Budžetu Federacije BiH za 2016. godinu.